

LA CONTA DI RAT SAINT-MARCEL (ELISA PIEILLER)



Padze 1

In pa'èn dérò la CLEENDA, in RAT y a éguèro-se la PÉI.

Padze 2

Lou rat va a 'èn di CORDAGNÌ è lèi dic :

« Cordagnì, pè plèiric, rèmindà-mè la péi que dz'è éguèro-me in pa'èn dérò la cllenda ! ».

« Traca'a-tè po ! » lèi répòn lou cordagnì « Ma pè lou fae, mè dz'è bezèn dè 'ÈYE di gadén ».

Padze 3

Lou rat va avoué lou GADÉN è lèi dic :

« Gadén, pè plèiric, bailla-mè tchécca de 'èye pè lou cordagnì ! ».

« Traca'a-tè po ! » lèi répòn lou gadén « Ma pé lou fae mè dz'è bezèn dè FAEUNNA ».

Padze 4

Lou rat va avoué lou MOULUNÌ è lèi dic :

« Moulunì, pè plèiric, bailla-mè tchécca de faeunna pè lou gadén ! ».

« Traca'a-tè po ! » lèi répòn lou gadén « Ma pè lou fae mè dz'è bezèn dè GRAN ».

Padze 5

Lou rat va avoué lou TSAN è lèi dic :

« Tsan, pè plèiric, bailla-mè tchécca de gran pè lou moulunì ! ».

« Traca'a-tè po ! » lèi répòn lou tsan « Ma pè lou fae mè dz'è bezèn dè FEMÌ ».

Padze 6

Lou rat va avoué la VATSE è lèi dic :

« Vatse, pè plèiric, bailla-mè tchécca de femì pè lou tsan ! ».

« Traca'a-tè po ! » lèi répòn la vatse « Ma pè lou fae mè dz'è bezèn dè FEN ».

Padze 7

Lou rat va avoué lou PRO è lèi dic :

« Pro, pè plèiric, bailla-mè tchécca dè fen pè la vatse ! ».

« Traca'a-tè po ! » lèi répòn lou pro « Ma pè lou fae mè dz'è bezèn dè l'ÉVE ».

Padze 8

È lou rat va avoué lou RUC è lèi dic :

« Ruc, pè plèiric, bailla-mè tchécca d'ève pè lou pro ! ».

Padze 9

Adòn lou RUC baille l'éve i RAT que la porte i PRO ;
è lou PRO lèi baille dè FEN que lou rat porte a la VATSE ;
è la VATSE lèi baille lou FEMÌ que lou rat porte i TSAN ;
è lou TSAN lèi baille lou GRAN que lou rat porte i MOULUNÌ ;
è lou MOULUNÌ lèi baille la FAEUNNA que lou rat porte i GADÉN ;
è lou GADÉN lèi baille le 'ÈYE que lou rat porte i CORDAGNÌ ;
è lou CORDAGNÌ lèi rèminde la PÉI que lou RAT i y a éguèro-se in pa'èn dérò la CLEENDA !